



সংবাদ বিজ্ঞপ্তি

ইউএসএআইডি গোষ্ঠী নেতৃত্ব এবং তরুণদের জন্য পাঁচ বছর মেয়াদি নেতৃত্ব উন্নয়ন কর্মসূচী চালু করল

ঢাকা, ১৭ই জানুয়ারি -- বাংলাদেশে যুক্তরাষ্ট্রের রাষ্ট্রদূত ড্যান মজীনা এবং যুব ও ক্রীড়া প্রতিমন্ত্রী মোঃ আহাদ আলী সরকার আজ যৌথভাবে এডওয়ার্ড এম. কেনেডি সেন্টারে ইউএসএআইডি'র নেতৃত্ব উন্নয়ন কর্মসূচী (লিডারশীপ উন্নয়ন কর্মসূচী -- এলডিপি) উদ্বোধন করেন। নতুন চালু হওয়া পাঁচ বছর মেয়াদি এই কর্মসূচী দারিদ্র্য দূরীকরণ, চাকুরি সৃষ্টি, এবং পরিবেশ রক্ষায় ১৬টি জেলায় প্রায় ২৪,০০০ গোষ্ঠী নেতা ও বাংলাদেশী তরুণদেরকে গড়ে তুলবে।

রাষ্ট্রদূত মজীনা তার উদ্বোধনী বক্তৃতায় বলেন, “নেতৃত্ব উন্নয়ন কর্মসূচী তরুণ জনগণের নেতৃত্বের দক্ষতা উন্নয়নে সহায়তা করবে, সমাজে তারা পরিবর্তন নিয়ে আসবে, এবং গণতান্ত্রিক প্রক্রিয়ার প্রসার ঘটাবে।”

স্থানীয় সুশীল সমাজ সংগঠনসমূহের সাথে অংশীদারিত্বে “কাউন্টারপার্ট ইন্টারন্যাশনাল” কর্তৃক বাস্তবায়িত এই কর্মসূচীর মাধ্যমে গোষ্ঠী নেতৃত্ব এবং তরুণদেরকে সমাজ উন্নয়নের চ্যালেঞ্জগুলো নিয়ে কাজ করার জন্য নাগরিক শিক্ষা, পরামর্শ প্রদান, শিক্ষানবীশী এবং সেবা শিক্ষা কর্মকাণ্ডের উপর প্রশিক্ষণ প্রদান করবে। ‘ইউএসএআইডি’র লিডার্স অব ইনফ্লুয়েন্স (এলওআই) কর্মসূচীর অতীত অভিজ্ঞতার আলোকে এই নতুন কর্মসূচীটি গড়ে তোলা হয়েছে। “এলওআই” কর্মসূচীর মাধ্যমে বিগত ২০০৭ থেকে ২০১১ সাল পর্যন্ত ২০,০০০-এরও বেশি গোষ্ঠী নেতৃত্বের কাছে পৌঁছানো সম্ভব হয়েছে।

১৯৭১ সাল থেকে বাংলাদেশের উন্নয়ন সহায়তায় যুক্তরাষ্ট্র সরকার ‘ইউএসএআইডি’র মাধ্যমে ৬শ’ কোটি ডলারেরও বেশী প্রদান করেছে। কেবল ২০১২ সালেই ‘ইউএসএআইডি’ বাংলাদেশের জনগণের জীবনমান উন্নয়নে ২০ কোটি ডলারের বেশী প্রদান করেছে। ‘ইউএসএআইডি’ বাংলাদেশে যেসকল কর্মসূচীতে সহায়তা প্রদান করে সেগুলো হচ্ছে -- গণতান্ত্রিক প্রতিষ্ঠানসমূহের প্রসার ও গণতন্ত্রের অনুশীলন, খাদ্য নিরাপত্তা কর্মসূচী ও অর্থনৈতিক সুযোগ-সুবিধার সম্প্রসারণ, স্বাস্থ্য ও শিক্ষা সেবার উন্নয়ন, এবং অভিযোজন ও স্বল্প কার্বন উন্নয়নের মাধ্যমে জলবায়ু পরিবর্তন পরিস্থিতির সাথে খাপ খাওয়ানো।

**EMBASSY OF THE UNITED STATES OF AMERICA
PUBLIC AFFAIRS SECTION**

TEL: 880-2-883-7150-4 FAX: 880-2-9881677, 9885688
E-MAIL: DhakaPA@state.gov WEBSITE: <http://dhaka.usembassy.gov>



USAID | BANGLADESH
FROM THE AMERICAN PEOPLE

=====

ঢাকাস্থ যুক্তরাষ্ট্র দূতাবাসের পরিপূর্ণ তথ্য এবং বাংলা ও ইংরেজীতে বজ্ব্য ও সংবাদ বিজ্ঞপ্তির জন্য আমাদের ওয়েবসাইটে
<http://dhaka.usembassy.gov> এবং ফেসবুকে www.facebook.com/bangladesh.usembassy চোখ রাখুন।

**EMBASSY OF THE UNITED STATES OF AMERICA
PUBLIC AFFAIRS SECTION**

TEL: 880-2-883-7150-4 FAX: 880-2-9881677, 9885688
E-MAIL: DhakaPA@state.gov WEBSITE: <http://dhaka.usembassy.gov>